


# Te Toharite

## Ngā Whakamārama:

Ko Wiremu te kaiwhana kōura i tōna tīma whutupōro. E whitu ana kēmu i te roanga atu o te tau, ā, i te mutunga ko te 70% o ana whana kōura 30 i tutuki.



## Hei Mahi:

- Hui katoa ngā kēmu, e hia ngā whana kōura a Wiremu i tutuki?
- He aha ētahi whiriwhiringa e toru mō te maha o ana whana kōura i tēnā kēmu, i tēnā kēmu, me te maha hoki o ngā whana i tutuki? Tuhia ki ētahi tūtohi e toru.
- Ko Hana te kaiwhana kōura o tētahi atu tīma whutupōro. E whakaaturia ana ki te tūtohi nei te maha o ana whana i āna kēmu e whitu i te roanga atu o te tau. Whakaotia ngā ūrau i te tūtohi:

Kēmu	1	2	3	4	5	6	7
whana katoa	5	8	2	5	3	4	8
whana i tutuki	3	6	1	1	2	4	4
Ūrau tutuki	60%		50%				

- Whakaaturia ngā ūrau o ia kēmu ki tētahi kauwhata pou.
- Titiro ki te kauwhata, ka whakatau tata ai i te ūrau toharite.
- Tātaihia te ūrau toharite o ngā whana i tutuki i te roanga atu o te tau.
- He aha te take o te tātai i te toharite o ana kēmu i te roanga atu o te tau?
- Titiro anō ki te kauwhata, ka tuhi ai i tētahi kōrero mō te whana kōura a Hana e whakaaturia mai ana.